

GODINA: XVII

BROJ: 268

DATUM: 16.10.2020.GODINE



Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
 fax: + 387 33 552 810
selma@sogfbih.ba

• FINANSIJSKO SAVJETOVALIŠTE:

Gregor Jurišić, viši suradnik za financijska pitanja
 fax: + 387 33 552 810
gregor.jurismic@sogfbih.ba

Sadržaj biltena:

Održana javna rasprava o Nacrtu zakona o građevinskom zemljištu 1

Radionica u Tuzli - Implementacija benčmarkinga pomoću DCM platforme 1

U Bosanskoj Krupi uskoro uređenje Starog grada PSET 2

Grad Živinice planira uspostavu novih poslovnih zona i izgradnju tehnološkog parka 3

NAJAVE obilježavanja dana općina i gradova za mjesec novembar / studeni i bitni datumi za Savez 4

Bilten Saveza općina i gradova Federacije Bosne i Hercegovine

ODRŽANA JAVNA RASPRAVA O NACRTU ZAKONA O GRAĐEVINSKOM ZEMLJIŠTU

Druga i treća javna rasprava o Nacrtu Zakona o građevinskom zemljištu koju su zajednički organizovali Savez općina i gradova Federacije BiH i Federalna uprava za geodetske i imovinsko-pravne poslove, održane su 30.09. u Sarajevu i 14.10.2020. godine u Bihacu.

Nacrt zakona o građevinskom zemljištu usvojen je od strane oba doma Parlamenta Federacije BiH, te s tim u vezi, Savez općina i gradova Federacije BiH, u suradnji s Federalnom upravom za geodetske i imovinsko-pravne poslove, dogovorio organizaciju četiri regionalna sastanka za jedinice lokalne samouprave na kojima će biti predstavljen i razmatran ovaj nacrt.

Raspravi je prisustvovalo 25 predstavnika jedinica lokalne samouprave u Sarajevu i 20 u Bihacu. Ovom prilikom je istaknuto da se radi o zakonskom propisu koji je od velikog značaja sa općine i gradove i da je dobro da se razmotre predložena zakonska rješenja.

Preostala četvrta javna rasprava će biti održana 22.10.2020. u Tuzli.



Sa Javne rasprave održane u Bihacu, 14.10.2020. godine



Sa Javne rasprave održane u Sarajevu, 30.09.2020. godine

RADIONICA U TUZLI - IMPLEMENTACIJA BENČMARKINGA POMOĆU DCM PLATFORME

U sklopu projekta „Podrška Saveza općina i gradova FBiH – programu prikupljanje podataka preduzeća za vodosnabdijevanje i odvodnju Federacije BiH i njihovog korištenja za potrebe poređenja učinkovitosti, te razmjeni znanja i informacija putem Danubis platforme - BENČMARKING”, u Tuzli se 15. i 16. oktobra održava radionica na temu Benčmarkinga sa predstavnicima šest preduzeća za vodosnabdijevanje i odvodnju iz Federacije BiH.

Učešćem u ovim aktivnostima vodovodna preduzeća dobijaju priliku da procijene vlastitu učinkovitost koristeći jednostavne i praktične alate u sklopu Danubis platforme.





Ovo će vodovodnim preduzećima i njihovim vlasnicima (općine i gradovi) omogućiti da identificiraju područja u kojima uspješno djeluju, kao i ona područja u kojima su potrebna poboljšanja. Nadalje, benčmarking program pruža mogućnost usporedbe učinkovitosti između drugih lokalnih ili međunarodnih vodovodnih preduzeća i razmjenu dobrih praksi. Ispravno prikupljeni podaci o indikatorima učinkovitosti su preduvjet za uspješnu saradnju preduzeća sa relevantnim vladinim institucijama, donatorima, razvojnim i komercijalnim bankama, međunarodnim organizacijama, organizacijama civilnog društva i javnošću. U novoj fazi Benčmarkinga,



Sa radionice u Tuzli

koja će trajati do kraja 2020. godine, planirano je učešće 15 preduzeća.

Ove aktivnosti su podržane od Projekta općinskog okolišnog i ekonomskog upravljanja (MEG) koji je dio Programa saradnje Švicarske u Bosni i Hercegovini (BiH), u domenu Lokalne uprave i općinskih usluga, a realizira ga Razvojni program Ujedinjenih nacija u BiH (UNDP).

U BOSANSKOJ KRUPI USKORO UREĐENJE STAROG GRADA PSET



Prikaz dijela planirane rekonstrukcije Starog grada PSET

Američka agencija za međunarodni razvoj (USAID) je odobrila više od pola miliona KM za sanaciju i rekonstrukciju infrastrukturnih objekata u devet lokalnih zajednica koji će doprinijeti izgradnji pomirenja i povjerenja i služiti kao zajedničko dobro svih građana Bosne i Hercegovine.

Sanacija objekata planirana je u okviru projekta izgradnje mira PRO - Budućnost (Povjerenje, razumijevanje, odgovornost za budućnost) kojeg provodi humanitarna organizacija Catholic

Projekat općinskog okolišnog
i ekonomskog upravljanja

MEG

Relief Services (CRS) sa partnerima u 75 lokalnih zajednica.

Među njima je i Bosanska Krupa gdje će se na Starom gradu PSET sanirati i urediti staze, urbani mobilijar, ali i izgraditi otvorena višenamjenska pokretna pozornica za održavanje koncerata, predstava, književnih večeri, časova historije, filmskih projekcija i slično. Projektom „U jednom dvorištu tvrđava i tri vjere“ bit će sanirana i ograda oko pravoslavne crkve i džamije, te sanirani i od vlage zaštićeni zidovi katoličke crkve.

Planirano je da u periodu od 2020. do 2022. godine bude odobreno ukupno 25 infrastrukturnih projekata, a svaka od 75 lokalnih zajednica u kojima djeluje PRO-Budućnost će imati priliku da aplicira za sredstva. USAID je za pojedinačne projekte izdvojio oko 60.000 KM, a lokalne zajednice trebaju učestvovati sa najmanje 20 posto vlastitih sredstava.

„Projekt koji će se realizirati u Bosanskoj Krupi vrijedan je oko 90 hiljada KM, od čega će Općina Bosanska Krupa osigurati 26 posto, a ostatak, veći dio, PRO-Budućnost, odnosno USAID.

U 2020. godini bit će rekonstruisani obrazovni, kulturni, vjerski i sportski objekti, kao i dijelovi gradskih površina u Bosanskom Petrovcu, Brezi, Livnu, Bosanskoj Krupi, Sanskom Mostu, Banjoj Luci, Gornjem Vakufu-Uskoplju, Novom Travniku i Istočnom Novom Sarajevu.

Nakon odabira ovih devet zajednica, tim PRO-Budućnosti u oktobru počinje novi krug sastanaka sa predstavnicima 27 lokalnih zajednica kojima će predstaviti kriterije i način apliciranja za projekte čija provedba je planirana u 2021. godini.

Na sljedećem linku možete pogledati animaciju realizacije dijela projekta "U jednom dvorištu tvrđava i tri vjere": <https://www.youtube.com/watch?v=DPYnVMlZwM>

Planirano je da u periodu
od 2020. do 2022. godine
bude odobreno ukupno 25
infrastrukturnih projekata,
a svaka od 75 lokalnih
zajednica u kojima djeluje
PRO-Budućnost će imati
priliku da aplicira za
sredstva.

GRAD ŽIVINICE PLANIRA USPOSTAVU NOVIH POSLOVNIH ZONA I IZGRADNJU TEHNOLOŠKOG PARKA

Grad Živinice aktivno učestvuje u rješavanju problema obezbjeđenja dovoljnog i adekvatnog kadra za realni sektor, kaže gradonačelnik Samir Kamenjaković.

Živinička privreda, kako je to u razgovoru za Poslovne novine kazao Samir Kamenjaković, gradonačelnik Živinica, u posljednje tri godine u cjelosti pokazuje rast radnih mjesta, rast prihoda, rast neto dobiti i



Živinice

rast izvoza. Kako je kazao, 401 privredno društvo sa područja Grada Živinice, je u protekloj godini ostvarilo bruto prihod preko 736 miliona KM, od čega je skoro 117 miliona prihoda od izvoza, te neto dobiti koja iznosi preko 33 miliona KM, zapošljavajući preko 6.700 osoba.

Rast

"Dominantna su mala preduzeća, ona koja ostvaruju prihode do 500.000 KM godišnje i takvih je u protekloj godini bilo 262, odnosno 65,34 posto. Slijede kompanije srednje veličine čiji prihod iznosi od 500.000 do pet miliona KM i takvih je 107, odnosno 26,68 posto. Najmanje je velikih kompanija, onih koje ostvaruju prihode preko pet miliona i takvih je 32, odnosno 7,98 posto. Vidljivo je da je učešće živiničkih privrednih društava kako u ostvarenju rezultata poslovanja privrednih društava TK, tako i FBiH i BiH u prethodnoj godina ima tendenciju blagog rasta", kazao je Kamenjaković.

Privredna društva Živinica, dodao je, u ostvarenim prihodima privrede BiH učestvuju sa 1,01 posto, što je za 0,04 posto više nego prethodne godine, a u dobiti sa 0,88 posto, što je za 0,12 posto više nego prethodne godine. U bh. izvozu živinička privreda učestvuje sa 1,08 posto, što je više za 0,07 posto u odnosu na 2018. godinu.

Također, učešće živiničkih privrednih društava u ostvarenim prihodima privrede FBiH pokazuje tendenciju rasta za 0,08 posto i u 2018. iznosi 1,47 posto, dok je učešće u dobiti veće za 0,10 posto i iznosi 1,34 posto, a u izvozu je došlo do rasta od 0,13 posto i sada iznosi 1,53 posto izvoza FBiH.

Rast u korist živiničke privrede zabilježen je i kad je u pitanju Tuzlanski kanton, gdje učešće u ostvarenim prihodima iznosi 9,54 posto, što je za 0,38 posto više nego prethodne godine, a u dobiti 7,62 posto, što je za 0,48 posto više nego prethodne godine, dok je učešće u izvozu 7,33 posto i veže je za 0,30 posto u odnosu na 2018. godinu.

"Najviše privrednika bavi se trgovinom, zatim prerađivačkom industrijom u kojoj su najzastupljenije drvna i metaloprerađivačka industrija. Mada na području Živinica i dalje prednjače domaći investitori, kao rezultat niza provedenih aktivnosti u prethodne tri godine, strani investitori iz Austrije, Njemačke, Poljske i Turske prepoznali su Živinice kao grad sa pogodnom poslovnom klimom za investitore, što je rezultiralo novim investicijama u iznosu od preko 50 miliona KM. Realizacijom tih investicija stvorili su se uslovi za otvaranje preko 700 novih radnih mjesta", istakao je Kamenjaković.

Ono gdje još postoje potencijali za ulaganje su poljoprivredni i prehrambeni sektor, proizvodno-obrtnički, energetski i turistički sektor. S ciljem poboljšanja usluga za poslovnu zajednicu i građane, Grad Živinice proveo je regulatornu reformu i time unaprijedio poslovni ambijent približavajući se modernim tokovima e-uprave. Posebne pogodnosti, koje Grad daje investitorima su skraćeni rokovi provedbe administrativnih postupaka, sniženi toškovi provedbe administrativnih postupaka, uspostavljen centar za biznis koji pruža podršku pri rješavanju administrativnih procedura. Investitore privlači i uspostava novih poslovnih zona, izuzetno povoljna cijena zemljišta, te infrastrukturna povezanost.

"Grad Živinice u protekle tri godine uspješno implementira projekte iz oblasti zapošljavanja i samozapošljavanja. S tim u vezi, Program razvoja poduzetništva i podrška osnivanja preduzeća (Start-up) na području Grada Živinice iznjedrio je 80 novih uspješnih poduzetnika u koje je Grad uz

KORISNI LINKOVI ZA FONDVE EU:

www.southeast-europe.net
www.adriaticinnovationmap.eu
www.adrioninterreg.eu
www.europa.ba
www.cbibplus.eu
www.chc.bih-mne.org
www.srb-bih.org
www.interreg-hr-ba-me2014-2020.eu
www.programmmed.eu
<https://tacso.eu/>
<https://euinfo.ba/en/>
www.balkanfund.org
<https://eacea.ec.europa.eu>
www.welcomeurope.com

Živinička privreda u posljednje tri godine u cjelosti pokazuje rast radnih mjesta, rast prihoda, rast neto dobiti i rast izvoza.



podršku UNDPa (50.000 KM) i USAIDa (50.000 KM) projekata uložio preko 500.000 KM. Grad je uspostavio i poslovni inkubator u kojem je za mlade poduzetnike, prvenstveno iz IT sektora, pored novčane podrške obezbijeđeno korištenje poslovnog prostora, opreme, režijskih troškova bez naknada u trajanju 12 mjeseci. Ovu podršku ostvarilo je više od 20 poduzetnika, dodao je gradonačelnik.



Poslovna zona "Ciljuge 2" Živinice

Podrška poljoprivredi

Kako bi privrednicima pomogli da ublaže posljedice izazvane pandemijom koronavirusa, u ovom gradu su oslobodili od obaveze plaćanja komunalne naknade i zakupa poslovnih prostora u vlasništvu Grada sve obveznike za period od četiri mjeseca. Također, obezbijedili su jednokratnu novčanu pomoć poslovnim subjektima sa sjedištem na području Živinica, kojima je zabranjen rad naredbama Federalnog kriznog štaba, ali i onima kojima nije bio zabranjen rad, ali su u martu imali pad prometa 20 posto i više.

Podržali su i poljoprivredni sektor, konkretno proizvodnju kukuruza kroz nabavku mineralnog đubriva i zaštitnih sredstava, a imali su i program podrške proljetnoj sjetvi. Novčanom podrškom su obuhvaćena 272 poljoprivrednika koja imaju registrovano poljoprivredno gazdinstvo i koji su dostavili račune za utrošak sjemenskog materijala, mineralnog đubriva i zaštitnih sredstava.

Pored navedenog, Grad Živinice i ove, kao i prethodne godine, podržava plasteničku proizvodnju povrća i uzgoj jagoda u saradnji sa međunarodnim organizacijama Muslim Aid i Caritas. Ovim programima samo u 2020. godini obuhvaćeno je 50 korisnika. Učešće grada u nabavci paketa podrške iznosi 40 posto, odnosno 30.000 KM.

"Zbog izuzetno velikog interesa, kako domaćih tako i stranih investitora, Grad Živinice je planirao u narednom periodu uspostavu nove poslovne zone i izgradnju tehnološkog parka, što se može očekivati već u naredne dvije godine. Želim istaći i da Grad Živinice aktivno učestvuje u rješavanju problema obezbjeđenja dovoljnog i adekvatnog kadra za realni sektor. S tim u vezi, održavaju se redovne konsultacije sa biroom za zapošljavanje u smislu prekvalifikacije radne snage u skladu sa potrebama privrede i sa MŠC-om u vezi upisa učenika u odgovarajuća strukovna zanimanja za koja je realni sektor iskazao interes, kao i obavljanja praktične nastave završnih razreda tehničkih i strukovnih škola u privrednim subjektima. Do sada je znatan dio od 100 učenika, koji su obavili praktičnu nastavu, ostao i nakon toga kao uposlenik u privrednim subjektima. Također, Grad podržava sve projekte volontiranja viših nivoa i svake godine provodi i vlastiti projekt kroz koji uz podršku lokalnog realnog sektora, ali i javnih ustanova, mladim osobama sa VSS se omogućava da odrade pripravnčki rad i povećaju šanse za pronalazak posla i ostanak u BiH", poručio je Kamenjaković.

Piše: Minela Pamuk

Poslovne novine, 24.09.2020.

Preuzeto sa <https://poslovenovine.ba>



Grb Grada Živinice

NAJAVE OBILJEŽAVANJA DANA OPĆINA I GRADOVA ZA MJESEC NOVEMBAR / STUDENI

- Novembar/studen** - Savez općina i gradova FBiH postaje pridruženi član Kongresa lokalnih i regionalnih vlasti Vijeća Evrope (CLRAE) od novembra 1994. godine. Punopravno članstvo stiže 24.04.2002. godine, nakon pridruženja Bosne i Hercegovine Vijeću Evrope. Uloga CLRAE je da promoviše lokalnu i regionalnu demokratiju, unaprijedi lokalne i regionalne vlasti i ojača lokalnu i regionalnu samoupravu kroz implementaciju Evropske povelje o lokalnoj samoupravi. CLRAE podržava regionalne procese kao i kooperaciju i saradnju gradova i regija.





Musala 5/1

71000 Sarajevo

Telefon: ++387 33 216 502, 209 024, 209 120

Fax: ++387 33 552 810, 216 502

E-mail: dino@sogfbih.ba

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način pružamo informacije o održanim sjednicama organa i tijela Saveza, konferencijama, seminarima, radionicama, okruglim stolovima, javnim raspravama, ...

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza koji je brz i efkasan način komuniciranja.


Sa zadovoljstvom očekujemo vaše komentare, sugestije ili primjedbe.

Pratite nas na:

Gledajte Savez općina i gradova
Federacije Bosne i Hercegovine na



Pratite Savez općina
i gradova FBiH na




facebook
Savez općina i gradova Federacije
Bosne i Hercegovine

- **17. novembar/studeni - Dan Općine Čelić.** Na ovaj dan 1991. godine putem referenduma 99% stanovništva se izjasnilo za izdvajanje iz sastava opštine Lopare i SAO Semberija i Majevica.
- **18. novembar/studeni - Dan Općine Grude.** Na ovaj datum 1991. godine osnovana je Hrvatska zajednica Herceg-Bosna, kao politička, kulturna, ekonomska i teritorijalna organizacija hrvatskog naroda u BiH.



Čelić



Grude

